

LE CHAPITRE DE L'ENVELOPE

contenant cinquante-sept versets,

écrit à la Meque.

*Mahomet estoit
involopé
dans ses
vestemens
lorsque
l'Angel lui
apporte ce
Chapitre.*

AV nom de Dieu clement & misericordieux.
O Envelope, leue-toy, & presche au peuple les
tourments de l'Enfer, ton Seigneur est plus puissant
que les Idoles: nettoye tes habits. Souviens-toy des
peines preparees aux infidelles, separe-toy de leur
compagnie, ne preste rien à vsure, le iour que la trom-
pette sonnera sera extremement facheux pour les mes-
chans; ce iour laisse-moy chastier celuy que j'ay crée
à qui j'ay donne des richesses & des enfans, & que j'ay
mis dans l'abondance, neantmoins il en demande
dauantage, & s'est opiniastre de desobeir à mes co-
mandemens, ie luy augmenteray les peines parce
qu'il a blasphemé contre l'Alcoran, pourquoy blas-
pheme-t'il: il rend son visage contrit couuert d'hipo-
crisie lors qu'il regarde le peuple avec ses yeux melan-
coliques, & s'esloigne du chemin de salut, il est su-
perbe, il mesprise de suivre le Prophete, il dit que l'Al-
coran n'est que Magie, & que ce n'est que la parole
d'un homme, il sera precipité au fonds d'Enfer, il ne
luy restera rien qui ne soit bruslé, dix-neuf Esprits se-
ront commis pour tourmenter les meschants; ceux
qui chastient les damnez sont Esprits. Nous auons
dit ce nombre de dix-neuf pour deuoyer les infidel-

les,

les, pour confirmer la verité & les vraycroyans dans leur foy. Ceux à qui Dieu a enseigné l'écriture, & ceux qui croient en sa loy ne sont pas en doute du nôbre de ces Esprits: mais ceux qui ont mal au cœur, qui doutent de sa loy & les impies, disent, Qu'entend Dieu par ce nombre? Ainsi Dieu deuoye & conduit qui bon luy semble, personne ne sçait le nombre de ses Anges que luy. Le iure par l'entrée de la nuit & par l'aurore, quel Enfer est vn tres-grand chastiment préparé pour les impies. Les fidelles & les infidelles, les bons & les meschans respondront de leurs actiôs, & ceux qui auront leur liure de cõpte à la main droite iron: en Paradis, ils demanderont des nouvelles aux damnez & leur diront; Qui vous a precipités dedans l'Enfer? Ils respondront. Nous n'auons pas prié Dieu au temps ordonné, nous n'auons pas donné à manger aux pauvres, nous croyons qu'il n'y auoit ny resurrection ny iugement iusques à ce que la mort nous a surpris, les prieres de ceux qui prieront pour eux seront inutiles. Pourquoi est-ce que les infidelles s'esloignent de la loy de Dieu? ils sont semblables à l'asne sauuage qui fuit tant qu'il peut lorsqu'il void que le Lyon s'approche de luy, chacun d'entr'eux voudroit particulièrement voir vn liure pour s'instruire, & n'apprehende pas le iour du iugement; Certainement l'Alcoran enseigne la loy de Dieu à ceux qui le lisent, personne ne le comprendra que celui qui sera agreable à Dieu, qui aura sa crainte

deuant les yeux, & qui demandera pardon de ses pechez à sa diuine Majesté.

LE CHAPITRE DE LA RESURRECTION, contenant quarante versets, escrit à la Meque.

AV nom de Dieu clement & misericordieux. Je iure qu'il est tres-veritable que les hommes ressusciteront. Je iure que les melchans rendront compte de leurs actions; pensent-ils que ie ne puisse pas rassembler leurs os? Je les rassembleray tous apres qu'ils seront pourris; Je puis rassembler leurs doigts comme ils les auoient en leur ieunesse. Certainement l'homme veut blasphemer auant la venuë du iour du Iugement, & demande quand viendra ce iour; Lors que la veuë sera troublée, & que le Soleil & la Lune seront assemblez, alors il dira, où fuiray-je? On luy dira, tu n'as point d'autre refuge qu'en Dieu; On l'arrestera, on luy dira tous les pechez qu'il aura fait & sera tesmoin contre soy-mesme: Ne dis mot alors, s'il se veut excuser ne sois pas impatient, ie sçay tout ce qui est en son cœur, ie sçay ce que tu luy as enseigné, ie li sois avec celuy qui t'a leu l'Alcoran, & te l'ay fait comprendre; L'homme se presse pour aller à sa honte & ne pense pas à sa fin, il leuera